



## Պարույր Սևակ

### Նորից շունն ու գայլը

Կար մի ժամանակ, որ Գայլի ցեղը  
Հենց ինքն էր ապրում Շների տեղը.  
Ապրում էր Գայլը մարդկանց բակերում,  
Իսկ Շունն` անտառում, քարի տակերում:  
Գայլերին մարդն էր հաց ու թաց տալիս,  
Իսկ Շունը ինքն էր իր օրը լալիս:  
Եվ քարում-սարում ու հին անտառում  
Շատ շներ էին շուտ հիվանդանում.  
Մեկ տեսար` հարբուխ, մեկ` գրիպ, մեկ` հազ,-  
Ամեն օր մի նոր ցավ էր անպակաս:  
Ու շա՛տ խնդրեցին մի օր շները  
Գայլուկ եղբոր հետ փոխել բները.  
-Անտառում ապրեք միառժամանակ,  
Իսկ մենք` խեղճերս, մարդկանց մոտ մնանք:  
Գայլ եղբայրները նրանց խղճացին,  
Իսկ հետո իրենք... հազա՛ր գղջացին.  
Իրենց նոր կյանքը, հոտած բները  
Շա՛տ հավանեցին նորեկ Շները:  
Քիչ խանգարում էր լոկ շղթան վզի,  
Բայց հացի հո՛տը, բա հա՛մը մսի:  
Ավելի լավ չէ՞ վզների շղթան,

Քան սոված-ծարավ դես ու դեն վագ տան,  
Դողողոյան ցրտից, փռշտան, հագան,  
Ի՛նչ է թե կոչեն անշոթա գագան,  
Եվ ազա՛տ կոչեն:  
Չէ՛, հիմար հո չեն...  
Ու խելոքացած առողջ Շները  
Է՛լ չթողեցին իրենց բները:  
Իսկ խեղճ Գայլերն էլ մնացին դրսում:  
Երբ նրանք շատ են քաղցում ու մրսում,  
Մինչև հիմա էլ ոռնում են դրսում  
Եվ այդ ոռնոցով հարցնում Շներին.  
«Բա չլավացա՞ք, բա ետ չեք դառնո՞ւմ»:  
Շներն էլ՝ «հա՛ֆ-հա՛ֆ», իրենց բներից  
Ասում են «չէ՛-չէ՛», տեղից վեր թռնում,  
Քաշում են իրենց վզների շոթան,  
Որ այդ աներես գայլերին վախ տան,  
Թե իգուր տեղը ի՛նչ են հա ոռնում...